

## INSTRUCCIÓN PARA AS ENTIDADES BENEFICIARIAS das axudas para o fomento da contratación de profesionais de alta cualificación para a realización de actividades de I+D+i nas empresas e organismos de investigación en Galicia (Programa Talento Sénior), convocada pola Resolución da Axencia Galega de Innovación do 25 de marzo de 2022

1. MODIFICACIÓN DA RESOLUCIÓN
2. RENUNCIA PARCIAL OU TOTAL Á AXUDA
3. PAGAMENTO
4. PUBLICIDADE

### 1. MODIFICACIÓN DA RESOLUCIÓN

De acordo co previsto no artigo 22 da resolución de convocatoria, se algunha entidade beneficiaria, unha vez recibida a resolución, quere realizar algunha modificación na mesma (perfil do traballador) é necesario que remita unha solicitude de modificación da resolución por causas motivadas, que presentará exclusivamente a través de Sede Electrónica da Xunta, [carpeta de cidadán](#), modelo xenérico "Alegacións".

Se non afecta á concorrencia competitiva en relación ao cambio de puntuación que a modificación podería implicar, a directora da Axencia Galega de Innovación procederá á modificación da resolución comunicando esta de xeito electrónico.

### 2. RENUNCIA PARCIAL OU TOTAL Á AXUDA

De acordo co previsto no artigo 21 da resolución de convocatoria a entidade beneficiaria poderá renunciar á subvención axustándose ao modelo Anexo IV ou por calquera outro medio que permita a súa constancia, de acordo co establecido no artigo 94 da Lei 39/2015, do 1 de outubro, do Procedemento Administrativo Común das Administracións Públicas.

A presentación da renuncia deberá facerse exclusivamente a través de Sede Electrónica da Xunta, [carpeta de cidadán](#), no modelo xenérico "Renuncia".

A directora da Axencia Galega de Innovación ditará a correspondente resolución nos termos dos artigos 21.1 e 94 Lei 39/2015, do 1 de outubro, do Procedemento Administrativo Común das Administracións Públicas.

### 3. PAGAMENTO

O **aboamento do incentivo** para a contratación do persoal de alta cualificación contratado farase efectivo unha vez cumprido o obxecto para o que foi concedido, que se xustificará mediante a presentación da seguinte documentación dentro dos prazos que se relacionan:

#### A. 2022:

Primeira anualidade: o 50 % do importe concedido, no prazo de dez (10) días hábiles contados a partir da data do contrato suscrito.

### **Documentación:**

a) Modelo de solicitude de pagamento, que estará ao seu dispor na páxina web da Axencia Galega de Innovación (<http://gain.xunta.gal>), na súa epígrafe Axudas, no cal constarán as seguintes declaracións responsables:

1ª. Conxunto de todas as solicitudes efectuadas ou concedidas, para a mesma finalidade, das distintas administracións públicas competentes.

2ª. Conxunto de axudas recibidas pola empresa en concepto de minimis, durante os dous exercicios fiscais anteriores, e durante o exercicio fiscal en curso.

3ª. A titularidade da conta da entidade beneficiaria onde se deba efectuar o pagamento.

b) Copia do contrato de traballo subscritos co persoal de alta cualificación subvencionado.

c) Copia da vida laboral do persoal de alta cualificación subvencionado, actualizada á data de contratación.

d) Documento de información ao persoal de alta cualificación contratado, no modelo que estará ao seu dispor na páxina web da Axencia Galega de Innovación ([gain.xunta.gal](http://gain.xunta.gal)) e no cal constarán, de ser o caso, a aceptación das autorizacións relativas á consulta dos datos de identidade, titulación e acreditación do grao de discapacidade.

e) Só no caso de que se opoña á consulta no modelo indicado no punto anterior:

1º. Copia do título universitario do persoal de alta cualificación contratado.

2º. De ser o caso, copia da acreditación da posesión do grao de doutor ou máster.

3º. De ser o caso, certificado acreditativo do grao de discapacidade do persoal de alta cualificación contratado.

4º. Declaración responsable ou certificación, segundo os casos, da entidade beneficiaria de estar ao día no cumprimento das obrigas tributarias ou fronte á Seguridade Social, e de non ter pendente de pagamento ningunha outra débeda coa Administración pública da Comunidade Autónoma nin ser debedor por resolución de procedencia de reintegro.

### **B. 2023:**

Segundo pagamento: o 25 % do importe concedido, no prazo de dez (10) días hábiles contados a partir dos doce meses seguintes á data do contrato subscrito.

### **Documentación:**

a) Modelo de solicitude de pagamento, que estará ao seu dispor na páxina web da Axencia Galega de Innovación (<http://gain.xunta.gal>), na súa epígrafe Axudas, no cal constarán as seguintes declaracións responsables:

1ª. Conxunto de todas as solicitudes efectuadas ou concedidas, para a mesma finalidade, das distintas administracións públicas competentes.

2ª. Conxunto de axudas recibidas pola empresa en concepto de minimis, durante os dous exercicios fiscais anteriores, e durante o exercicio fiscal en curso.

3ª. A titularidade da conta da entidade beneficiaria onde se deba efectuar o pagamento, salvo que se manteña a do ano 2022.

b) Copia da vida laboral do persoal subvencionado, actualizada á data da presentación desta solicitude.

c) Memoria resumo das actividades de I+D+i ou plan de traballo, realizada polo persoal de alta cualificación contratado no primeiro ano de contratación.

d) Só no caso de que se opoña á consulta no modelo indicado no punto anterior: declaración responsable ou certificación, segundo os casos, da entidade beneficiaria de estar ao día no cumprimento das obrigas tributarias ou fronte á Seguridade Social, e de non ter pendente de pagamento ningunha outra débeda coa Administración pública da Comunidade Autónoma nin ser debedor por resolución de procedencia de reintegro.

## **B. 2024:**

Terceiro pagamento: o 25 % do importe concedido, no prazo de dez (10) días hábiles contados a partir dos vinte e catro meses seguintes á data do contrato suscrito.

### **Documentación:**

a) Modelo de solicitude de pagamento, que estará ao seu dispor na páxina web da Axencia Galega de Innovación (<http://gain.xunta.gal>), na súa epígrafe Axudas, no cal constarán as seguintes declaracións responsables:

1ª. Conxunto de todas as solicitudes efectuadas ou concedidas, para a mesma finalidade, das distintas administracións públicas competentes.

2ª. Conxunto de axudas recibidas pola empresa en concepto de minimis, durante os dous exercicios fiscais anteriores, e durante o exercicio fiscal en curso.

3ª. A titularidade da conta da entidade beneficiaria onde se deba efectuar o pagamento, salvo que se manteña a do ano 2022.

b) Copia da vida laboral do persoal subvencionado, actualizada á data da presentación desta solicitude.

c) Memoria resumo das actividades de I+D+i ou plan de traballo, realizada polo persoal de alta cualificación contratado no segundo ano de contratación.

d) Só no caso de que se opoña á consulta no modelo indicado no punto anterior: declaración responsable ou certificación, segundo os casos, da entidade beneficiaria de estar ao día no cumprimento das obrigas tributarias ou fronte á Seguridade Social, e de non ter pendente de pagamento ningunha outra débeda coa Administración pública da Comunidade Autónoma nin ser debedor por resolución de procedencia de reintegro.

### Forma de presentación:

A través de Sede Electrónica da Xunta, [carpeta de cidadán](#), modelo xenérico "Acheга documentación xustificativa".

## 4. PUBLICIDADE

O **artigo 26.n)** da resolución de convocatoria establece como obriga das entidades beneficiarias:

*Dar publicidade, nos termos establecidos na resolución de concesión, ao carácter público do financiamento do contrato e da actividade obxecto da axuda, facendo referencia expresa nos contratos laborais, así como nas publicacións de todo tipo, relatorios, actividades de difusión de resultados e calquera outra actuación relacionada coa actividade de I+D+i na cal estea implicado o persoal contratado, mencionando expresamente a súa convocatoria e orixe.*

*Colocar, polo menos, un cartel con información sobre o proxecto (dun tamaño mínimo A3), no cal se mencionará a axuda financeira da Xunta de Galicia e da Axencia Galega de Innovación, nun lugar visible para o público das instalacións do beneficiario, por exemplo, no lugar de traballo da persoa contratada.*

*O mesmo tipo de publicidade realizarase nun lugar preferente da páxina web da empresa, de existir esta. En todas as obrigas descritas con anterioridade deberán figurar os logotipos institucionais cumprindo co Manual de identidade corporativa da Xunta de Galicia, acompañado co texto «persoal cofinanciado pola Xunta de Galicia ao abeiro da Resolución da Axencia Galega de Innovación do 25 de marzo de 2022 (programa Talento Sénior)».*

*As instrucións detalladas relativas ás obrigas de publicidade da axuda estarán á disposición na páxina web da Axencia Galega de Innovación (<http://gain.xunta.gal>), na súa epígrafe Axudas.*

En consecuencia, as obrigas de publicidade para as entidades beneficiarias concretaranse en:

- Documento de información ao persoal traballador asinado no momento do contrato do cofinanciamento da súa contratación ao abeiro da Resolución da Axencia Galega de Innovación do 25 de marzo de 2022 (Programa Talento Sénior).
- Nas publicacións, relatorios, actividades de difusión de resultados e calquera outra actuación relacionada coa actividade de I+D+i na que estea implicado o persoal de alta cualificación contratado: farase expresa mención: «persoal cofinanciado pola Xunta de Galicia ao abeiro da Resolución da Axencia Galega de Innovación do 25 de marzo de 2022 (programa Talento Sénior)».
- Na páxina web da entidade farase igualmente mención: «persoal cofinanciado pola Xunta de Galicia ao abeiro da Resolución da Axencia Galega de Innovación do 25 de marzo de 2022 (programa Talento Sénior)».
- Achéganse logos da Xunta de Galicia, do Xacobeo 2021-2022 e do Programa Talento Sénior para complementar a dita publicidade.
- Con respecto a estes logos, cómpre ter en conta o [Manual de Identidade Corporativa da Xunta de Galicia](#).

## Exemplo publicidade web

---

### **PROGRAMA TALENTO SÉNIOR 2022 (Incluír Entidade Beneficiaria)**

Persoal cofinanciado pola Xunta de Galicia ao abeiro  
da Resolución da Axencia Galega de Innovación  
do 25 de marzo de 2022  
(programa Talento Sénior)

---

TALENTO SÉNIOR

Santiago de Compostela, 30 de setembro de 2022

A Axencia Galega de Innovación

[centros.gain@xunta.gal](mailto:centros.gain@xunta.gal)